



UNIVERSITI TEKNIKAL MALAYSIA MELAKA

SURAT EDARAN PENTADBIRAN

BILANGAN 2 TAHUN 2010

LARANGAN PENGLIBATAN DALAM POLITIK KE ATAS PEGAWAI KUMPULAN PENGURUSAN TERTINGGI DAN PEGAWAI KUMPULAN PENGURUSAN DAN PROFESIONAL

Pejabat Pendaftar
25 Mac 2010

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM. UTeM.02.03/10.24/1/4/2 (6)

25 MAC 2010

SURAT EDARAN PENTADBIRAN BIL. 2/2010

LARANGAN PENGLIBATAN DALAM POLITIK KE ATAS PEGAWAI KUMPULAN PENGURUSAN TERTINGGI DAN PEGAWAI KUMPULAN PENGURUSAN DAN PROFESIONAL

Surat ini bertujuan memaklumkan kepada semua staf Universiti Teknikal Malaysia Melaka mengenai keputusan pihak Universiti atas kelulusan Mesyuarat Lembaga Pengarah Universiti Bil. 1 /2010 yang bersidang pada 23 Februari 2010 bersetuju untuk menerima pakai Surat Edaran yang dikeluarkan oleh Jabatan Perkhidmatan Awam Malaysia (JPA) bernombor rujukan JPA(S)TT.271 Klt. 12/(15) bertarikh 6 April 2009 secara keseluruhannya.

2. Menurut Peraturan 3, Bahagian II, Jadual Kedua (h), Peraturan-peraturan Tatatertib Badan-Badan Berkanun, Akta Badan-Badan Berkanun (Tatatertib Dan Surcaj) 2000, Akta 605, seseorang pegawai tidak boleh membawa atau cuba membawa apa-apa bentuk pengaruh dengan atau terhadap badan berkanun, sama ada tuntutan itu ialah tuntutannya sendiri atau tuntutan mana-mana pegawai lain badan berkanun.

3. Secara khususnya pegawai dalam kategori tersebut tidak boleh:

- i. Membuat apa-apa pernyataan awam, sama ada secara lisan atau bertulis, yang memberikan suatu pandangan yang berat atas apa-apa perkara yang menjadi isu antara parti politik;
- ii. Menerbitkan atau mengedar buku, majalah atau risalah yang mengemukakan pandangannya yang berat sebelah atau pandangan orang lain, tentang apa-apa perkara berkaitan dengan mana-mana parti politik; dan
- iii. Terlibat dalam merayu undi bagi menyokong mana-mana calon pada suatu pilihanraya kecil, atau apa-apa pilihan raya untuk apa-apa jawatan dalam mana-mana parti politik.

4. Sehubungan dengan peraturan yang dinyatakan di atas, Kerajaan memandang serius penglibatan pegawai dalam Kumpulan Pengurusan Tertinggi dan Pegawai Kumpulan Pengurusan dan Profesional dalam aktiviti politik. Penglibatan pegawai tersebut dalam aktiviti politik adalah bertentangan dengan prinsip '*neutrality*' dan '*impartiality*' yang diamalkan dalam perkhidmatan awam. Keadaan ini juga boleh membawa suasana yang tidak harmoni di tempat kerja. Salinan surat edaran tersebut boleh dirujuk sama ada di laman web Pejabat Pendaftar atau laman web Jabatan Perkhidmatan Awam (JPA) di alamat <http://www.jpa.gov.my>

5. Surat edaran ini berkuat kuasa serta merta.

Sekian, harap maklum.

"KOMPETENSI TERAS KEGEMILANGAN"

Saya yang menurut perintah



HASAN BIN SIRUN

Pendaftar

/ukp